

ادبيات سوسيالېکريسي

هفته لقي سياسي ، علمي و ادبي غزته در

جلد : ۲

سنه : ۲ ۲۹ صفر ۱۳۳۶ هجری ايرتسی ۱۵ کانون اول ۱۹۱۷ نومرو ۱۵ — ۴۶

اجمال افکار

فرانسې قفاسی

پونډن تقریباً یکرمی سنه اول ، ظن ایدرم عثمانی - یونان محاربه سی اثناسنده ، فرانسه ده شیمدی متروک Le Play مکتب اجتماعی ارکانندن E. Demolins نام معلم — آنغلو-صاقسون لړک تفوقلری نهیه مستنددر ؟ — عنوانیه ، فرانسزلر ایچون پک آجی ، فقط مفید و علمی اولقاء برابر شاتلی بر اثر نشر ایتشدی .

بو اوفق کتاب ، عالم مطبوعاتده بیوک و سورکلی مناقشاتی موجب اولدی . اعظمدن برخیلیسی آکا دائر مطالعه و مؤاخذه لریخی بسط ایتدیلر .

او زمان ، هنوز انکلیز خصوصت تاریخیه سی فرانسزلرک ذهندن سیلنمه مشدی . دنیاده سیاسی و اقتصادی اک مهم موقعه کنديسی لایق کورن فرانسه ، بیوک - بریتانیانک استعلاسی چکه میور ، و اسکی محافل ، دائماً - مانس - ک شمالنده کی سلطنت بحریه و تجاریه بی بی بیوک بر رقیب اولقی اوزره تلقی ایدیوردی .

اوت ، آوته مذکورهدن اولکی تلقیه نظراً برنجی درجه ده کی خصم آلمانیا دکل ، بیوک - بریتانیا ایدی .

عجبا ، نفس الامرده ، فرانسه نك اک بیوک دشمنی ، کنديسی ۷۱-۱۸۷۰ ده هزیمته دوچار ایدن پروسیایمی ایدی ، یوقسه ، انکلیزده می ؟ انکلیزه ایدی .

موسیو [ده موله ن] ک اثرینه دائر بسط مقال ایدن پک مشهور منقد وادیب [ژول لومه تر] - فیغارو - ده دیورکه :

مادیه دن ، عوامل اقتصادی دن ، عناصر صرئیہ دن زیاده ، ذهنیتک ایجاباتی ، اضرجه و طبایعک
ضعیف ویا حدید نقطه لری ، خلاصه ، ناصرتی واسرار آلود اولان روح عامه در .

بوکون پک بارز اولیان بو حقیقت ، حرب عمومینک تاریخی یازلیغنده ، بریداهت صرئیہ سینده
بدیدار اوله جقدر . فقط تأسف اولونورکه بو متعارفه یی ، ایوم ، بیوک ومتفکر برملتک سرآمدان
اذعان و عرفانی بیله تفرسین عاجزدر .

پکی کوی ۸ کانون اول ۱۹۱۷

ملاهی زاده

غزل

ترجم ایلپور حال پرملایزه
بزم بوسوز و کداز سرشک آلهزه

قیرلدی صاغر صہبا داغلدی بزم طرب
طوقوندی سنک قضا تا حرم بالزه

حیات عشقمزک نودم بهارنده
زوال ایریشدی بزم غنچه کلایزه

بو ماجرای بالاخیز عاشقانه مری
کتیرمیشدی زمان خاطر و خیالزه

بو باد صرصر سودا اسیر ، گچر لایح
زمان گلیرکه او جانان آجیر بو حالزه

نورفیه سماح